



University of
Nottingham
UK | CHINA | MALAYSIA

TUGASAN SOALAN-SOALAN SEMINAR

- **KOD MODUL** : MPU3312
- **NAMA MODUL** : TAMADUN ISLAM DAN TAMADUN ASIA
- **SEMESTER** : SEMESTER SPRING
- **NAMA PENSYARAH** : ENCIK MOHD KHAIRI MOHD YUSOF

- **NAMA PELAJAR** : DEREK CHEEN XIN HEE
- **NOMBOR ID** : 20317350

PENGESAHAN PENULISAN

- Saya mengaku bahawa semua kerja penulisan yang dinyatakan dalam tugas/kertas kerja ini adalah atas usaha saya sendiri (kecuali diakui dalam teks).

Tandatangan Pelajar: DEREK CHEEN XIN HEE

- **KOMEN PENSYARAH/MARKAH**

***PERINGATAN: (1) KELEWATAN PENGHANTARAN TUGASAN/KERTAS KERJA AKAN DITOLAK 5 MARKAH SEHARI.**

KRITERIA PENILAIAN	JUMLAH MARKAH	MARKAH PELAJAR
MUKA HADAPAN	4	
Pengenalan	8	
Kandungan	20	
Kesimpulan	8	
JUMLAH	40/4	

SET 1

1. HURAIKAN 2 CIRI TAMADUN.

Terdapat beberapa ciri tamadun. Ciri yang paling jelas adalah bermulanya penempatan kekal ataupun urbanisasi. Manusia tidak lagi berpindah randah dan menjalani kehidupan nomad, sebaliknya memilih untuk tinggal tetap disesuatu tempat dan menjalankan berbagai aktiviti untuk kelangsungan hidup. Aktiviti penternakan dan pengkhususan kerja bermula. Aktiviti penternakan dijalankan dengan menggunakan sistem pengairan secara meluas. Pengkhususan kerja marangkumi menangkap ikan, menternak binatang ternakan, memburu haiwan liar, memungut hasil hutan dan berdagang menggunakan sistem barter.

Ciri yang kedua ialah, sistem pemerintahan telah dilahir. Misalnya, sistem pemerintahan di Mesir Purba. Raja-raja di Mesir Purba dianggap sebagai wakil tuhan di alam bumi ini. Dengan adanya sistem pemerintahan, struktur sosial menjadi lebih sistematik. Pemerintahan ini biasanya diketuai oleh golongan pendeta. Raja-raja dibantu oleh golongan pendeta ini dan juga para bangsawan.

SET 1

2. BINCANGKAN 2 KESAN POSITIF PERTEMBUNGAN ANTARA TAMADUN.

Pertembungan antara tamadun di masa lalu amat penting untuk memastikan perlindungan, keamanan dan kestabilan dijamin. Tuntasnya, Tamadun Islam iaitu Empayar Umayyah dan Abbasiyah telah memberikan perlindungan, keamanan dan kemakmuran kepada semua rakyatnya tanpa mengira kaum.

Selain itu, pertembungan antara tamadun juga meyumbang kepada kemajuan teknologi dan kebendaan. Contohnya, interaksi Tamadun China dan Tamadun Melayu telah membolehkan barangan seperti gula, sutera, tembikar dan logam dari Tamadun China kepada Tamadun Melayu tanpa mengubah pemikiran agama. Tambahan pula, pengetahuan membuat kertas, bahan letupan, penggunaan kompas dari Tamadun China juga dapat dipelajari oleh Tamadun India.

SET 2

1. TERANGKAN 2 MATLAMAT TAMADUN ISLAM.

Salah satu matlamat Tamadun Islam adalah hubungan manusia dengan Allah. Islam meyeru umatnya agar menghidupkan rasa perhubungan dengan pencipta kerana pencipta itulah yang memudahkan dan mengurniakan kepada ahli fikir untuk mencipta pelbagai ciptaan bagi memenuhi keperluan dan keselesaan manusia. Hubungan ini dapat dipupuk melalui akidah dan kepercayaan yang mantap terhadap Allah. Hubungan ini bukan hanya melibatkan aspek ibadat semata-mata, tetapi merangkumi semua kegiatan, amalan dan penghasilan tamadun manusia.

Matkamat yang kedua adalah hubungan sesama manusia. Hubungan ini berpaksikan kepada dasae persamaan, hormat-menghormati serta memberi dan menerima dalam menjadikan kehidupan manusia lebih bermakna. Tamadun Islam menafikan sebarang bentuk diskriminasi, penindasan etnik dan perhambaan sesama manusia. Islam melihat kepelbagaian dan perbezaan bangsa, warna kulit dan bahasa sebagai kekuasaan Allah dan sebagai dorongan untuk saling mengebali dan memahami antara satu sama lain.

SET 2

2. JELASKAN 2 TEORI KEDATANGAN ISLAM.

Terdapat 3 teori kedatangan Islam. Yang pertama, Islam dibawa dari Semenanjung Tanah Arab pada kurun ke-7 mengikut Teori John Crawford dan Nienmann Dan de Hollander. Antara buktinya adalah, terdapat kegiatan hubungan perdagangan orang Arab dengan alam Melayu semenjak zaman sebelum Islam muncul di Semennanjung Tanah Arab. Tambahan pula, terdapat beberapa buah perkampungan orang Islam Keturunan Arab di kawasan pantai Timur dan Barat Sumatera menurut Dokumen Kerajaan China. Selain itu, Syed Naquib al-Attas nyatakan bahawa kandungan persuratan melayu Islam dengan konsep, Istilah dan sistem tulisan Jawi menunjukkan sumber Arab dan Timur Tengah sebagai puncanya.

Teori yang kedua adalah Islam dibawa dari China melalui Canton dan Hainan pada kurun ke-9 menurut Emmanuel Godinho de Eredia. Beliau menyebut bahawa akidah Muhammad telah terlebih dahulu diterima di Pattani dan Ram di persisiran pantai tumue dan selepas itu barulah diterima dan disebarkan oleh Parameswara di Melaka tahun 1441 Masihi. Selain itu, S. Q. Fatimi menyebutkan tentang kewujudan kerajaan Bani Champa yang dianggapnya didirikan oleh pelarian-pelarian Syiah Alawiyah dari Damsyik. Mereka kemudiannya melarikan diri ke Makkahserta Aceh setelah diserang oleh kerajaan Annam, hujjah ini diperkukuhkan dengan penemuan batu bersurat di Terengganu yang bertarikh 1303 Masihi yang disamakan dengan batu nisan di Champa Selatan.

SET 3

1. TERANGKAN 2 CIRI TAMADUN INDIA.

Terdapat beberapa ciri Tamadun India yang unik. Antaranya, Tamadun India mempunyai berbagai-bagai kaum dan etnik. Impaknya, lahirlah pelbagai agama di Tamadun India. Agama yang utama di Tamadun India ialah agama Hindu, agama Buddha, agama Jaina dan agama Sikh. Agama Hindu merupakan agama yang paling popular di Tamadun India. Setiap agama tersebut mempunyai pengajaran dan nilai yang unik dan tersendiri.

Ciri yang kedua, sistem pemerintahan Tamadun India bercorak dan bersifat monarki. Dalam sistem pemerintahan tersebut, raja-raja merupakan pemimpin tertinggi di Tamadun India. Raja-raja mempunyai kuasa mutlak dan dibantu oleh menteri-menteri. Raja-raja di Tamadun India dilantik secara turun-menurun. Tambahan pula, hubungan antara raja-raja dan golongan Brahmin amat rapat. Golongan Brahmin merupakan kelas yang paling tinggi dalam sistem kasta di Tamadun India. Mereka merupakan golongan pendidik dan pengendali kuil. Selain itu, raja juga mempunyai angkatan tentera yang kuat yang menggunakan unit gajah dan unit kuda.

SET 3

2. HURAIKAN SEJARAH PERKEMBANGAN TAMADUN CINA.

Tamadun Cina merupakan antara tamadun yang tertua di dunia. Perkembangannya boleh dibahagikan kepada empat zaman, iaitu zaman pembinaan, zaman keagungan, zaman peralihan dan zaman moden.

Pada zaman pembinaan, dinasti-dinasti seperti Hsia, Shang dan Chou telah dimunculkan. Dinasti-dinasti tersebut mengamalkan sistem pemerintahan beraja. Pada zaman tersebut, ramai peperangan telah berlaku. Peperangan tamat apabila seorang maharaja Cina, Shih Huang-ti muncul. Shi Huang-ti telah menyatukan rakyat Cina menerusi militari dan perluasan empayar. Dinasti yang dipimpin olehnya dikenali sebagai dinasti Chin. Dalam zaman ini, falsafah seperti Confucius dan Taoisme juga dilahirkan.

Zaman yang seterusnya, zaman keagungan. Zaman ini dianggap sebagai zaman keemasan dalam tamadun Cina kerana pencapaiannya dalam pelbagai bidang seperti Sains, kesusteraan, pentadbiran dan agama. Dinasti yang terakhir pada zaman keagungan ini ialah dinasti Tang. Dengan sistem pentadbiran yang teratur dan sistematik, empayar tersebut telah dikembangkan sehingga melebihi keluasan empayar dinasti Han, iaitu dinasti sebelum dinasti Tang.

Zaman yang ketiga adalah zaman peralihan. Dalam zaman ini, Tamadun Cina jatuh ke dalam pemerintahan orang gasar seperti orang Monggol dan orang Manchu. Ketika itu, orang Cina cuba untuk membebaskan diri daripada penaklukan asing. Dengan itu, dinasti Ming telah dilahirkan dan berjaya menentang dan mengembalikan kuasa Cina. Walau bagaimanapun, dinasti Ming tidak bertahan lama. Pada abad ke-19M, Cina telah diambil alih oleh kuasa Barat.

Zaman yang terakhir adalah zaman moden. Zaman ini dianggap sebagai tahap pencerobohan kuasa asing yang tertinggi di seluruh sejarah negara Cina. Antaranya, Cina telah dikalahkan oleh kuasa Barat dalam Perang Candu. Walau bagaimanapun, pada zaman tersebut, orang Cina telah menerima ilmu Barat dan membuat pemodenan dalam bidang seperti politik, ekonomi dan ketenteraan.

SET 4

1. JELASKAN 2 IMPAK GLOBALISASI.

Globalisasi merupakan sesuatu keadaan dunia sebagai satu entiti tanpa sempadan. Antara impak globalisasi ialah kemajuan dalam bidang ekonomi. Dengan globalisasi, peniaga-peniaga dapat meluaskan perniagaan mereka ke seluruh dunia dengan menggunakan teknologi E-dagang dan E-perbankan. Peniaga-peniaga dan pengguna-pengguna boleh membuat transaksi pembayaran melalui atastalian yang senang diguna dan efektif.

Selain itu, globalisasi juga membawa impak negatif, iaitu penjajahan ekonomi. Apabila ekonomi sesebuah negara berkembang maju, muka mundurlah ekonomi negara-negara lain yang lemah. Tambahan pula, negara-negara yang maju juga akan memanipulasi ekonomi negara-negara lain.

SET 4

2. TERANGKAN 2 KEPENTINGAN DIALOG PERADABAN.

Dialog Peradaban boleh dikatakan sebagai komunikasi, hubungan atau pertemuan antara kelompok masyarakat serta negara. Dialog peradaban amat penting di peringkat lokal dan global. Pertamanya, dialog peradaban memainkan peranan yang vital bagi memupuk sifat kesedaran antara manusia. Kini, masih banyak berlaku pelbagai kepincangan, ketidakadilan dan penindasan dalam hubungan antara satu sama lain. Dengan adanya dialog peradaban, kelompok masyarakat dapat membina kesedaran kepada agama dan budaya masing-masing. Impaknya, keamanan dan kesejahteraan dapat dijamin kerana suasana saling memahami dan menghormati antara golongan yang berbeza.

Di samping itu, nilai-nilai yang baik dapat dipupuk melalui dialog peradaban. Tamsilnya, Nilai Sepunya Asia diwujudkan daripada kepelbagaian budaya di Asia. Nilai tersebut adalah nilai kesetiaan kepada keluarga, syarikat dan negara. Dengan nilai-nilai yang baik, manusia akan bermaju dan membina sebuah dunia yang lebih aman dan harmoni.